
Saknr: 2020/1931-19
Saksbehandlar: Dagmar Reutz Hillestad

Saksgang

Utval	Utv.saknr.	Møtedato
Rådet for menneske med nedsett funksjonsevne		07.05.2020

Opplæring/konferanse for kommunale råd i Vestland

Forslag til vedtak

Rådet for menneske med nedsett funksjonsevne tek informasjonen til vitande. Rådet vedtek å setje av midlar til eit slikt arrangement, og ber arbeidsgruppa arbeide vidare med å førebu gjennomføring av dette opplæringstilbodet hausten 2020/våren 2021.

Samandrag

Rådet for menneske med nedsett funksjonsevne har kvart år invitert kommunale råd for menneske med nedsett funksjonsevne til ein årleg konferanse. Rådet hadde også i år planlagt ein slik konferanse i mai månad, men konferansestad Bergen. Grunna situasjonen med covid-19 vil det ikkje vera mogleg å invitera rådsmedlemar til slik opplæring om ein vel å gjennomføra eit slik arrangement på tradisjonelt vis der ein samlast på ein konferansestad. Arbeidsgruppa som vart nedsett arbeider no vidare med å utgreia ulike moglegheiter ved å ta i bruk digitale løysingar, ikkje berre for ein dagskonferanse men for å kunne gi eit opplæringstilbod i rådsarbeid generelt. Dette vil skje i ulike bolkar med ulike tema hausten 2020 og truleg også våren 2021. Tilbodet vil gå til både råd for menneske med nedsett funksjonsevne, eldreråda og fellesråda, samt sakshandsamarar i kommunane.

Bertil Søfteland
seksjonssjef

Dagmar Reutz Hillestad
utvalssekretær

Saksframlegget er godkjent elektronisk og har difor ingen handskriven underskrift

Saksutgreiing

Bakgrunn for saka

Rådet for menneske med nedsett funksjonsevne mottok hausten 2019 ein invitasjon frå Funksjonshemmedes Fellesorganisasjon (FFO) om samarbeid om brukaropplæring av kommunale råd 2020.

Av invitasjonen går det mellom anna fram at:

«Fylkesrådet pleier hvert år ha fagdagar for alle rådene i Hordaland, og vi vet av erfaring at det er utvidet tilbod etter kommune- og fylkesvalgret til alle råd i regi av RMNF. Forespørsel til rådet er om dere ønsker et samarbeid med paraplyene om opplæring eksempelvis dag 2 hvor eventuelt FFO Vestland er med å dekke kostnader for alle rådsmedlemmer som deltar. Brukermedvirkning er viktig og ikke minst opplæring i oppdraget og hva det innebærer å være rådsmedlem. FFO nasjonalt og fylke vektlegger arbeidet med fylkes- og kommunale råd og vil påpeke flere viktige områder.»

Rådet handsama saka i rådsmøte 27.11.2019, sak 2/19 og gjorde følgjande vedtak:

Rådet for menneske med nedsett funksjonsevne i Vestland ser positivt på invitasjonen frå FFO og ønskjer å gå i dialog med FFO Vestland om dette. RMNF Vestland sett føre at FFO Vestland går inn i eit samarbeid med SAFO om dette. Den første opplæringa må gå over 2 dagar.

Saka vart lagt på nytt i rådsmøte 5. februar. Det vart då gjort følgjande vedtak:

Rådet for menneske med nedsett funksjonsevne vedtek det framlagde forslaget frå leiar til tema og orienteringar i 2020 frå ulike avdelingar og seksjonar i fylkeskommunen. Rådet må fylgje opp tidlegare vedtak om samarbeid med paraplyorganisasjonane når det gjeld opplæring i brukarmedverknad for rådsmedlemar i dei kommunale råda i Vestland.

Eit slikt arrangement bør leggjast til Bergen i mai måned. Scandic Ørnen Hotel Bergen er eit godt tilrettelagt hotell for ei slik samling. Leiar og nestleiar vert valt til å representera rådet i arbeidsgruppa som skal stå føre ei slik opplæring

Med bakgrunn i desse vedtaka vart det starta eit samarbeid med FFO om å arrangera ein konferanse. SAFO vart kontakta, men ynskte å gå vidare med eige arrangement.

Aktuelle datoar som vart foreslegne i rådsmøte var 11. og 12. mai 2020. Det vart innhenta tilbod på eit slikt arrangement og ein mottok tilbod frå Scandic Ørnen Hotel Bergen.

Fylkeskommunen har også i sine plandokument for folkehelse eit tilsvarande vedtak om samarbeid om opplæring av kommunale råd i fylket, då særleg retta mot universell utforming. Arbeidsgruppa vart utvida med tre representantar frå seksjon klima, miljø og folkehelse. I seinare tid har seksjonssjef frå kulturavd., inkludering, strategi og analyse samt leiar i fylkeseldrerådet vorte innlemma i denne arbeidsgruppa.

Det vart medio mars teke ei avgjerd i arbeidsgruppa om at ut ifrå situasjonen med covid-19 ville ein ikkje kunne gjennomføra arrangement, hverken i mai - eller i 2020 - slik ein hadde planlagt. Målgruppa er risikogrupper. Arbeidsgruppa har likevel halde fram arbeidet med å førebu opplæring av kommunale råd. Då vil dette også gjelde eldreråda i kommunen så vel som råda for menneske med nedsett funksjonsevne. Omlag 35% av kommunane i fylket har også valt ordninga med fellelråd.

Ein arbeider no ut ifrå at digitale løysingar kan takast i bruk. Ein vil med ei slik løysing også kunne nå alle medlemene i dei kommunale råda, og også planleggjarar og sakshandsamarar i kommuneadministrasjonen, samt politikarane.

Arbeidsgruppa har sett på ulike moglegheter, og er i dialog med IT.avd. i fylkeskommunen om korleis ein kan få til ei god løysing for å arrangera digitale konferansar/webinar. Ein har også starta arbeidet med å kartleggja råd og utval i kommunane, samt etablere dialogen med leiinga i kommunane.

Arbeidsgruppa ynskjer å setje saman ein opplæringspakke som vil kunne gjennomførast hausten 2020 og også våren 2021. Det er mange tema ein ynskjer ta med inn i ei slik opplæring, så difor er det tenkt at det vil vera nyttig med arrangement også våren 2021.

Ein vil nytta både eksterne og interne innleiarar.

Det er søkt om midlar eksternt, bl.a. til BUDdir. I tillegg har FFO sett av midlar til dette samarbeidet. Rådet må også ta stilling til korleis rådet kan bidra med økonomisk støtte til å gjennomføra dette.

Nærare orientering vil bli gitt i førstkomande rådsmøte.

Vurderingar og verknader

Økonomi: Deltaking i aktivitetar og arrangement må dekkast innanfor rådet sitt tildelte budsjett

Klima: Ikkje relevant

Folkehelse: Ikkje relevant

Regional planstrategi: Ikkje relevant

Konklusjon

Rådet for menneske med nedsett funksjonsevne tek informasjonen til vitande.

Rådet vedtek å setje av midlar til eit slikt arrangement, og ber arbeidsgruppa arbeide vidare med å førebu gjennomføring av dette opplæringstilbodet hausten 2020/våren 2021.